

御纂醫宗金鑑

木部

卷

八十一
八十二
八十三



御纂醫宗金鑑卷八十一

編輯刺灸心法要訣目錄

手太陰肺藏圖

肺藏經文

肺經循行圖

肺經循行經文

肺經循行歌

肺經穴圖

肺經穴歌

肺經分寸歌

手陽明大腸府圖

大腸經穴

大腸經循行圖

大腸經循行經文

大腸經循行歌

大腸經穴圖

大腸經穴歌

大腸經分寸歌

足陽明胃府圖

胃府經文

胃經循行圖

胃經循行經文

胃經循行歌

胃經穴圖

胃經穴歌

胃經分寸歌

足太陰脾藏圖

脾藏經文

脾經循行圖

脾經循行經文

脾經循行歌

脾經穴圖

脾經穴歌

脾經分寸歌



御纂醫宗金鑑卷八十一

編輯刺灸心法要訣

手太陰肺藏圖

上通喉膈

肺系

九節



六葉在前

兩耳在後

御纂醫宗金鑑
卷八十一
編輯刺灸心法要訣



肺臟經文

經云肺者相傳之官治節出焉其形四垂附着於脊之第三椎
中有二十四空行列分布以行諸藏之氣爲藏之長爲心之蓋
又云是經常多氣少血難經曰肺重三觔三兩六葉兩耳凡
葉主藏愧中藏經曰肺者生氣之原乃五藏之華蓋

張介賓曰肺葉白瑩謂爲華蓋以覆諸藏虛如蜂窠下無透竅
吸之則滿呼之則虛一呼一吸消息自然司清濁之運化爲人
身之橐籥

肺經循行圖



肺經循行經文

肺手太陰之脈起於中焦下絡大腸還循胃口上膈屬肺從肺系橫出腋下下循臑內行少陰心主之前下肘中循臂內上骨下廉八寸口上魚循魚際出大指之端其支者從腕後直出次指內廉出其端

肺經循行歌

手太陰肺中焦生絡腸循胃散流行上膈屬肺從肺系橫出腋下
下臑肘中循臂寸口上魚際大指內側爪端通支絡還從腕後
出接次指屬陽明經

註手太陰肺經之脈起於中焦者言起於任脈中腕穴也下

絡大腸還循胃口者謂本經之絡散布流行下則絡於
腸還上而循胃口非上膈屬肺直行之經也夫經絡
循還無端故手太陰之脈必自足厥陰經之支者期
循行中腕穴上膈屬肺以交於手太陰肺經也從肺系橫
出腋下至於中府雲門穴下循於臑內天府俠白穴從俠
白行少陰心主經脈之前下行肘中尺澤穴從尺澤循臂
內上骨下廉孔最穴從孔最八寸口列缺經渠太淵穴從
太淵上魚句入魚際穴從魚際出大指之端少商穴而終
焉其支者從腕後直出循行次指內廉出其端以交於手
陽明大腸經也

肺經

圖



肺經穴歌

手太陰肺十一穴中府雲門天府列次則俠白下尺澤又
最與列缺經渠太淵下魚際抵指少商如韭葉

肺經分寸歌

太陰中府三肋間上行雲門寸六許雲在任璣旁六寸大腸巨
骨下二骨天府腋三動脈求俠白肘上五寸主尺澤肘中約紋
是孔最腕上七寸擬列缺腕上一寸半經渠寸口陷中取太淵
掌後橫紋頭魚際節後散脈裏少商大指端內側鼻衄刺之立
時止


註

中府在任脈中行華蓋穴旁直開去六寸乳上三肋間陷



中動脈應手仰而取之是其穴也○上直行一寸六分在手陽明大腸經巨骨之下陷中動脈應手舉臂取之雲門穴也○從雲門穴下循臑內腋下三寸動脈陷中以鼻尖點鑿取之天府穴也○從天府穴下行肘中約紋上去五寸動脈中俠白穴也○從俠白穴下行肘中約紋上屈肘橫紋筋骨罅中動脈應手尺澤穴也○從尺澤穴下行腕前約紋上七寸上骨下骨間陷中孔最穴也○從孔最穴循外側行腕後側上一寸五分以兩手交叉當食指末筋骨罅中列缺穴也○從列缺穴循行寸口陷中經渠穴也○從經渠穴內循手掌後陷中太淵穴也○從太淵穴上


魚手大指本節後內側陷中散脈中曰肉際魚際穴也
 從魚際穴循行手大指內側之端去爪甲角如韭葉許
 肉際少商穴也



北京中医药大学图书馆版权所有

手陽明大腸府圖

大腸上口
小腸下口



大腸下接
直腸
下為肛門
穀道即後
陰



大腸經文

經云大腸者傳道之官變化出焉又云廻腸當臍左廻十寸大四寸徑一寸寸之少半長二丈一尺受穀一斗水七升半云廣腸附脊以受廻腸乃出滓穢之路大八寸徑二寸寸之少半長二尺八寸受穀九升三合八分合之一是經多氣少血難經曰大腸重二觔十二兩肛門重十二兩張介賓曰按廻腸者以其廻屈也廣腸者卽廻腸之更大者直陽者又廣腸之末節下連肛門也

腸

大腸經循行圖



大腸經循行經文

大腸手陽明之脈起於大指次指之端循指上廉出合谷兩
之間上入兩筋之中循臂上廉入肘外廉上臑外前廉上
臑骨之前廉上出於挂骨之上會下入缺盆絡肺下膈屬大腸
其支者從缺盆上頸貫頰入下齒中還出俠口交人中左之右
右之左上俠鼻乳

大腸經循行歌

陽明之脈手大腸次指內側起商陽循指上廉出合谷岐骨兩
筋循臂肪入肘外廉循臑外肩端前廉挂骨旁從肩下入缺盆
內絡肺下膈屬大腸支從缺盆直上頸斜貫頰前下齒當環出

人中交左右上俠鼻孔注迎香

註

手足明大腸經之脉起於大指次指外廉之端出於大指者謂出於大指少商穴也本經之絡其支者直出於大指之端以交於手陽明大腸經之商陽穴故曰起於大指次指之端也從商陽穴循食指上廉二間三間穴也從三間穴循出兩骨之間合谷穴也從合谷上兩筋之間陽谿穴也從陽谿穴循臂上廉至偏歷溫溜下廉上廉三里穴也從三里穴入肘外廉曲池穴也從曲池穴上臑外前廉肘膠五里臂臑穴也從臂臑穴上肩肩髃穴也從肩髃穴出臑骨之前廉巨骨穴也從巨骨穴上出於柱骨之會上言